



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 58. Aliæ Causæ privatæ.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Episcopos in Cypro solummodo occa- Sæculum V.
sione Arianorum fuisse impeditum, quod A. C. 431.
ex epistola S. Innocentii Papæ, ad Ale- Innoc. ep. 18.
xandrum Antiochenum ante annos fer- n. 2. Sup.
me viginti data, apparet. XXIII. §. 7.

§. LVIII.

Aliæ causæ privatæ.

Aliæ etiam causæ privatæ in hac ulti-
ma Concilii Sessione compositæ pu-
tantur. Eustachius, Episcopus Sidæ,
Pamphiliæ Metropoli, canonicè ordina-
tus, cum postea litibus, quas ipsi aliqui
adversarii excitarent, fatigaretur, etiam-
si defendere causam suam potuisset,
Episcopatu cedere maluit; agnoscens,
quam parum, quod accepisset a Natura
ingenium, litibus forensibus idoneum
esset; igitur scripta formula renuntia-
vit. Concilium Provinciale in ejus lo-
cum ordinavit Theodorum, qui diu huic
Ecclesiæ præfuit. Eustachius, coram
Concilii Ephesini Patribus comparens,
petiit, non equidem ut in Sedem suam
restitueretur, sed tantum ut Nomen, &
Honores Episcopi servare liceret, & sic
in Patriam redire, ex qua a multo tem-
pore abesset. Patres lacrymis Boni Se-
nis condoluere, & reddidere Commu-
nionem, qua abdicationis suæ causa pri-
vatus

Sæculum V. vatus fuerat, quippe secundum Canones
A. C. 431. non licebat Episcopo unquam ab Eccle-
Conc. Ephes. sia sua discedere. Concilium eidem
p. 805. quoque Nomen, & ut in ordine Epis-
 coporum staret, concessit, addita con-
 ditione, ne ordinaret, aut quamcunque
 functionem sine mandato, aut Licentia
 Theodori susciperet. Hæc ex epi-
 stola, quam Concilium Ephesinum ad
 Concilium Provinciale Pamphiliæ dedit,
 discimus; in fine epistolæ additur: *si*
eum majori etiam Charitate fovere vo-
lueritis, id Concilio non displicebit.

p. 809. Episcopi Valerianus, & Amphilo-
 chus ex eadem Pamphiliæ Provincia, de Mes-
 salianis Hæreticis, in illa Regione de-

Phot. eod. 52. gentibus, ad Concilium retulere. Va-
p. 40. lerianus Decretum Concilii, ante annos
 quatuor vel quinque Constantinopoli
 sub Sisinnio celebrati, Patribus præle-
 git, quod Concilium Ephesinum appro-

Sup. XXIV bavit, atque Episcopis Valeriano, Am-
§. 43. philocho; omnibus Pamphiliæ, & Ly-
 caoniæ Episcopis, ut id exequerentur,
 mandavit: nempe ut omnes Hæresi in-
 fecti, aut in quos suspicio caderet, er-
 rores anathematizare suo chirographo
 cogerentur; detrectantes, si Clerici
 essent, deponerentur, & excommuni-
 carentur, si Laici, anathematizarentur.

De

De Hæresi convictis non liceret habere Sæculum V.
 Monasteria. Liber istorum Hæretico- A. C. 431.
 rum, quem Asceticum appellabant, ab
 Episcopo Valeriano Patribus præsentatus, omnesque huic similes, anathematizati.

Duo Episcopi ex Thracia, Euprepus
 Byzanus, & Cyrillus Celenus, Conci-
 lio Libellum tradiderunt, quo anti-
 quam Provinciarum suarum consuetudi-
 nem exponebant, ut quisque Episcopo-
 rum duos, tresve Episcopatus habe-
 ret; Ita Episcopum Heracleensem re-
 gere Ecclesias Heracleensem, & Panio-
 nensem, Episcopum Byzanum Ecclesias
 Byzanam, & Arcadiopolitanam, Episco- Episcopi
 pum Celenum, Celenum, & Gallipo- ex Thracia.
 litanam, Episcopum Sabadiensem, Sab-
 adientem, & Aphrodisiadenam. Nun-
 quam in istis Civitatibus proprii fue-
 rant Episcopi, id est, hi Episcopatus al-
 teri fuerant perpetuo uniti. *Nunc ve-
 ro, agebant: Fritilas, Episcopus He-
 racleensis, a Concilio defecit, & se jun-
 xit Nestorio, inde nobis timendi causa,
 ne vindictæ desiderio actus, in his Civi-
 tatibus Episcopos ordinare velit. Ut
 hanc Novationem antevertamus, rogamus
 vos, præcipite! ne nostris Ecclesiis, in
 quibus multum laboravimus, privemur;
 aut de antiqua Consuetudine quidquam*

Sæculum V. *immutetur.* Concilium decrevit, ne
 A.C. 431. quidquam circa has Europæ Civitates
 Leo ep. 92. contra Canones, Leges Civiles, & Con-
 al. 62. ad suetudinem, quæ habet vim legis, inno-
 Max. c. 4. varetur,

In eodem Concilio Ephesino Juvena-
 lis Jerosolymitanus Primatum Palæstina
 sibi asserere adnitebatur, & jus suum pro-
 ductis litteris adulterinis probare. Hu-
 jus viri ambitioni se opposuit S. Cyrillus,
 & datis ad Papam epistolis, instanter ro-
 gavit, ne in hanc mutationem consenti-
 ret. Hoc ex Epistola S. Leonis, exin-
 de post annos viginti duos scripta, cog-
 noscimus. In actis vero Concilii nulla
 de Juvenalis Postulatione mentio fit, ex
 quo monstratur, ut diximus, ea nobis non
 integra superesse. Imo pleraque in ulti-
 ma Sessione acta non nisi sermone lati-
 no habemus.

§. LIX.

Canones Concilii Ephesini.

In hoc Concilio aliqui Canones conditi.
 Conc. Eph. In fronte posita est Epistola Synodalis
 p. 802. ad omnes Ecclesias, qua nomina Schis-
 maticorum, Joanni Antiocheno adha-
 rentium, numero triginta quinque no-
 tantur. Subjungitur deinde: Hos Sa-
 crum Concilium communi consensu a
 Commu-